

Муаллиф: Шайх Мухаммад Ҳассон

ИСЛОМ КЕЛМОҚДА!

Мутаржим: Абу Жаъфар ал-Бухорий

Бисмиллаҳир роҳманир роҳийм

Муқаддима

Барча ҳамду санолар Аллоҳга хосдир. Биз Унга ҳамд ва истиғфор айтамиз, Ундан ёрдам ва ҳидоят сўраймиз, нафсимизнинг шумлигидан ва амалларимизнинг ёмонлигидан Унинг Ўзидан паноҳ сўраймиз. Аллоҳ ҳидоят қилган кимсани адаштирувчи, адаштирган кимсани ҳидоят қилувчи йўқдир. Мен ягона, шериксиз Аллоҳдан ўзга ҳақ илоҳ йўқ ва Мұхаммад Унинг бандаси ва элчисидир деб гувоҳлик бераман.

"Эй мўминлар, Аллоҳдан ҳақ-рост қўрқиши билан қўрқинглар ва фақат мусулмон бўлган ҳолларингда дунёдан ўтинглар!" (Оли Имрон: 102).

"Эй инсонлар! Сизларни бир жондан яратган ва ундан жуфтини вужудга келтирган ҳамда у икковидан кўп эркак ва аёлларни тарқатган Роббингиздан қўрқингиз! Яна ораларингиздаги савол-жавобларда ўртага номи солинадиган Аллоҳдан қўрқингиз ва қариндош-уруғларингиз (билин ажралиб кетишдан қўрқингиз)! Албатта Аллоҳ ўстингизда кузатувчи бўлган зотдир" (Нисо: 1).

"Эй мўминлар, Аллоҳдан қўрқинглар, тўғри сўзни сўзланглар! (Шунда Аллоҳ) ишларингизни ўнглар ва гуноҳларингизни мағфират қилур. Ким Аллоҳга ва Унинг пайғамбарига итоат этса, бас у улуғ баҳтга эришибди" (Аҳзоб: 70, 71).

Сўнг ...

Сўзларнинг рости – Аллоҳнинг Китоби, йўлларнинг яхшиси – Мұхаммад соллаллоҳу алайҳи ва салламнинг йўли, ишларнинг ёмони – (динда) янги

Шайх Мұхаммад Ҳассон: ИСЛОМ КЕЛМОҚДА!

пайдо қилингандар, (динда) янги пайдо қилингандар – бидъат, барча бидъат – залолат, барча залолат эса жаҳаннамга әлтгувчидир.

Аллоҳ йўлидаги дўстларим!

Севимли Ислом Умматимиз бошидан ўтказаётган ушбу оғир даврларда, сизлар билан ушбу муборакли кунда учрашиб турар эканман, хутбамни "Ислом келмоқда!" деб номладим ва унда асосан қуидаги моддалар атрофида сўз юритмоқчиман:

Биринчи: "Аламли аччиқ воқелик".

Иккинчи: "Бироқ, Ислом келмоқда!".

Учинчи: "Ижроси вожиб бўлган амалий дастур".

Аллоҳ таолодан Исломнинг ғалабаси ва муваҳҳидларнинг иззати билан бизни қувонтиришини, мўъминлар қалбига сурур бахш этишини сўрайман. У бўнинг эгаси ва У барча нарсага қодирдир.

Биринчи: Аламли аччиқ воқелик

Азиз дўстлар!

Маълумки, бу азиз Уммат ўзининг узоқ тарихи мобайнида муртадлар келтириб чиқарган, ваҳший мўғул-татарлар ҳужуми ва шафқатсиз салчилар юриши оқибатида келган ва бундан бошқа турли муаммо ва мусибатларни бошидан кечирган бўлса-да, содик иймон, Аллоҳга бўлган мутлақ ишонч ва Ислом дини билан ғурурланиш каби ғалаба асосларига эга эди. Шунинг учун

ҳам Аллоҳ таоло Унга ғалаба, иззат ва ҳукмронликни битган эди. Бироқ Умматнинг ҳозирги воқелиги аламли ва аччиқ воқеликдир. Уммат бу воқелик ичида Роббисининг дастури ва пайғамбари соллаллоҳу алайҳи ва салламнинг йўлидан четлашгани боис ғалаба асосларини қўлдан бой берди, натижада порлоқ дастуримиз билан аламли аччиқ воқелигимиз ўртасида улкан айрилиқ вужудга келди. Мусулмонлар ҳаёти эътиқодий, тааббудий (ибодат), ахлоқий, фикрий жиҳатлардан ва ҳатто руҳий тарафдан бузилди. Шунинг учун ҳам Ислом Уммати, ўзгармас Раббоний қонунга мувофиқ, аламли аччиқ воқеликни яшамоқда. Бу қонун ҳеч кимни аяб ўтиrmайди, ҳатто риоя қилинишга асоси бўлган одамларга ҳам риоя қилмайди! Бас, Уммат Раббоний қонунга мувофиқгина ўз иззати ва обрўсига эришиши мумкин. Акс ҳолда, закийларнинг заковати-ю даҳоларнинг уринишлари, ҳеч бири фойда бермайди. Аллоҳ таоло айтади: "**Аниқки, то бирон қавм ўзларини ўзгартиргунларича Аллоҳ уларнинг аҳволини ўзгартирмас**" (Раъд: 11).

Аллоҳ номига онт ичиб айтаманки, мусулмонлар ҳаётнинг ҳар бир жабҳасида ўзгаришларга йўл қўйишиди: ошни тошга, гулни кулга, хушбўйни бадбўйга алиштириб юборишиди. Бечора уммат Аллоҳ ва Расулининг шариатини ҳаётдан узоқлаштиргач, гоҳо худосиз Шарқ, гоҳида кофир Ғарб ортидан тилини осилтирганча чопаркан: "Нажот қайиғига миндим!"- деб ўйлади. Бироқ, ғарқ бўлди, очикроғи ғарқ қилинди ва ҳалокат сари қадам қўйди. Бу Уммат янгитдан ўз иззат ва шарафининг таянчи, боқийлиги ва борлиғининг манбаи бўлган асос – Аллоҳнинг Китоби ва Расулининг суннатларига қайтмагунича ўз етакчилиги ва ҳукмронлигини асло қўлга ололмайди.

Шайх Мұхаммад Ҳассон: ИСЛОМ КЕЛМОҚДА!

Азиз ёшлар! Йўлдан четланишлари оқибатида мусулмонлар Ер юзидағи барча халқлар кўз тиккан "ов"га айландилар. Ўз ҳоҳиш-ҳаволаридан сўзламайдиган улуғ пайғамбаримиз Мұхаммад соллаллоҳу алайҳи ва салламнинг ушбу ҳадислари уларнинг бугунги ҳолатларига муносиб келади. Имом Аҳмад ва Абу Довуд раҳимаҳумаллоҳлар Савбон розияллоҳу анҳудан ривоят қиласидилар: "**Расулуллоҳ соллаллоҳу алайҳи ва саллам: "Халқлар яқин кунларда сизларга очкўз товоғига кўз тикканидек кўз тикадилар!"**"- дедилар. Саҳобалардан бири: "**У кунларда бизнинг сонимиз оз бўладими?!**"- деб савол берганида: "**Аксинча, сонингиз кўп бўлади. Бироқ, (сонингиз) селлар оқизиб келган нарсалар каби (қийматсиз) бўлади.** Аллоҳ таоло душманларинигиз қалбидан сиздан қўрқиши олиб ташлайди ва қалбларингизга заифликни солиб қўяди!"- дедилар. "Заифлик нима?"- деб берилган саволга эса: "**Дунёга бўлган мұҳаббат ва ўлимдан қўрқиш**"- деб жавоб бердилар".

Ҳа, Аллоҳ номига онт ичиб айтаманки, тўғри айтдингиз, ё Расулуллоҳ! Мусулмонлар бугунги кунда қийматсиз, хор бўлиб қолдилар. Олимликдан жоҳилликка, иззатдан хўрликка бурилдилар. Кеча халқларнинг етакчиси бўлиб, уларга йўл кўрсатган бўлсалар, бугун инсоният карвонининг ортки қаторида қолдилар. "**Инсоний фикр**" дастурхони устида тиланчилик қилмоқдалар! Кеча ҳалокатли олов пуркаётган жазирама саҳроларда йўл тополмай тентираган инсонларга зиё таратувчи маёқ бўлган мусулмонлар, бугун ўз йўлида ҳам юра олмай қолдилар. Балки, кеча тажрибали инсонларгина олиб чиқиши мүмкин бўлган чексиз-чегарасиз, хатарларга тўла саҳроларда йўлбошчи-карбон бўлган мусулмонлар, бугун ўз йўлларини йўқотиб қўйдилар!! Ҳолбуки, улар – Аллоҳ таоло Қуръон Каримда мақтаган энг яхши УММАТ эдилар: "**Сизлар одамлар учун чиқарилган энг яхши уммат бўлдингиз!**" (Оли Имрон: 110).

Наҳотки, бу – Аллоҳ таоло мўътадиллик билан сифатлаган ўша Уммат бўлса?! "Шунингдек, Биз сизларни мўътадил-ўрта уммат қилдик! (Бақара: 143).

Наҳотки, бу – Аллоҳ таоло бирдамликка ва Аллоҳнинг арқонига маҳкам боғланишга амр этган ўша уммат бўлса?! "Ҳаммангиз Аллоҳнинг арқонига маҳкам боғланингиз ва тарқоқ бўлмангиз!" (Оли Имрон: 103);

"Аниқ ҳужжатлар келганидан кейин бўлиниб кетган ва бир-бирлари билан ихтилоф қилиб, талашиб-тортишган кимсалар каби бўлмангиз! Ана үндайлар учун улуғ азоб бордир" (Оли Имрон: 105).

Бир давлат эмас, балким бутун УММАТ ҳаётига назар ташлаган одам у бошидан кечираётган хорлик ва хўрликка маҳкум бўлган аламли аччиқ воқеликни очиқ-ойдин кўра олади.

Мұхтарам дўстлар!

Тўғри, Уммат узоқ замонлардан бери чуқур уйқуда. У касалликка чалинди ва касаллиги зўрайди. Жаҳолат ботқоғига ботиб, ўзи ҳам, раҳбарлари ҳам адашди. Анчагина ортга кетиб қолди. Бироқ, шундай бўлса-да, у Аллоҳнинг мадади ва тавфиқи билан, ўлиб йўқ бўлиб кетмади. Ва иншааллоҳ, ўз ҳавоий-ҳоҳишлири билан гапирмайдиган Мұхаммад соллаллоҳу алайҳи ва салламнинг ваъдаларига биноан, ўлмайди ҳам! Чунки, Аллоҳ тарафидан нусрат бериладиган тоифа аҳллари бу УММАТ ичидаги ҳар замон ва ҳар маконда мудом бордирлар. Имом Бухорий ва имом Муслим раҳимаҳумаллоҳлар "Саҳиҳ" китобларида Муовия розияллоҳу анҳунинг ушбу ривоятини келтирганлар: "Расулуллоҳ соллаллоҳу алайҳи ва саллам айтдилар: "Умматим ичидаги бир тоифаси Аллоҳнинг амрларини давомий ушлаб қолади. Уларни ёрдамсиз ташлаб қўйганлар ёки муҳолиф бўлганлар

Шайх Мұҳаммад Ҳассон: ИСЛОМ КЕЛМОҚДА!

уларга зарар етказа олмайдилар. Ҳатто, Аллоҳнинг амри (яни ўлим) уларга одамлар устидан ғолиб бўлган ҳолларида келади".

Қудратли, Буюк Аллоҳ таолодан барчаларимизни Аллоҳнинг дини учун яшайдиган ва унинг ғолиб бўлишини орзу қиласиган ҳамда Аллоҳ тарафидан мададланган тоифадан қилишини сўрайман.

Иккинчи: "Бироқ, Ислом келмоқда!"

Ҳа, Ислом келмоқда...

Мушриқ, мунофиқ ва жиноятчиларнинг хоҳламасликлариға қарамай, Ислом келмоқда!

Ҳа, Ислом келмоқда! Мен бу гапларимни онгли равишда айтаяпман. Юқорида айтиб ўтилган Уммат бошдан кечираётган аламли аччиқ воқеликни юрақдан ҳис қилиб турибман. Шундай бўлса-да, қатъий ишонч билан Ислом келаётганини таъкидламоқчиман. Ахир Аллоҳ таоло Қуръон Каримда: "(Куфрга қарши курашда) сустлашмангиз ва (Ухуд жангидаги мағлубият сабабли) ғамгин бўлмангиз! Агар (ҳақиқий) иймон эгалари бўлсангизлар, сизлар устун бўлгувчи дирсизлар" демоқда-ку! (Оли Имрон: 139).

Яъни, иймон билан бўларкансиз, қайғурманг ва сустлашманг! Чунки, сизлар иймон билан душманларингиздан олий-устундирсиз.

Аллоҳ номига онт ичиб айтаманки, бугун нафақат бир давлат, балки бутун Умматга нисбатан таҳдидларга гувоҳ бўлсак-да, мен аниқ ишонаманки, Ер юзи фақат ёмонликдангина иборат эмас. Балки, Аллоҳ таоло ушбу ёмонликни ҳам кўп яхшиликларга сабаб қилиб қўя олади. Зоро, Уммат

бошига келган қай бир мусибатни олиб қараманг, Аллоҳ таоло уни Исломнинг кучланишига сабаб қилди. Уммат бошига келган ҳар бир синовни сафларни тозалаш, сарани пучакдан ажратишга сабаб қилди. Аллоҳ таоло қўйидаги оятларда айни шу маънони ифода этди: "**Одамлар: «Иймон келтирдик», дейишлари билангина, имтиҳон қилинмаган ҳолларида, қўйиб қўйилишларини ўйладиларми?!** Ҳолбуки Биз улардан аввалги (иймон келтирган барча) кишиларни имтиҳон қилган эдик-ку!! Бас (шу имтиҳон воситасида) албатта Аллоҳ («Иймон келтирдик» деб) рост сўзлаган кишиларни ҳам, ёлғончи кимсаларни ҳам аниқ билади" (Анкабут: 2, 3).

Уламолар султони имом Изз ибн Абдуссалом балонинг ўн еттида фойдасини санаб ўтган ва буларнинг барчаси синов пайтида келишини таъкидлаган. Шунниг учун ҳам, сиз Уммат бошига келган бу мусибатлардан кейин Ислом йўқ бўлади, мусулмонлар тугайдилар, деб асло ўйламанг. Аллоҳ номига онт ичиб айтаманки, ҳеч қачон бундай бўлмайди!!

Қарматийлар мусулмонларга қарши ҳатто Каъба ичида ҳам ҳужум қилган ва Аллоҳнинг Байти атрофида тавоғ қилаётган кишиларни бўғизлаганди. Малъун ифлос жиноятчи Абу Тоҳир Қарматий Ҳажарул-Асвадни Каъбадан чиқариб, бор овози билан: "Қани Абобил қушлари? Қани Сижжил тошлари?!"- деб бўкирганди!! (Эслатма: Машҳур "Фил" ҳодисасида ҳабаш Абраҳа лашкарлари Каъбани бузиш учун саф тортиб келганида, Маккаликлар атрофдаги тоққа чиқиб кетишган, Каъба ҳимоясини Аллоҳ таолога топширишган ва Аллоҳ таоло босқинчи душманларга қарши тумшуқларида сижжил тошлари билан учиб келган абобил қушларини юборган эди. Бу қушлар ташлаган сижжил тошлари теккан ҳар бир одамни тилка-пора қилган эди. Мутаржим изоҳи).

Шайх Мұхаммад Ҳассон: ИСЛОМ КЕЛМОҚДА!

Бу фитна одамлар қалбига қанчалар таъсир қылгани ҳақида ўйлаб күринг. Ҳажарул-Асвад йигирма йилдан күпроқ Каъбадан узоқда қолди. Бирок, охир-оқибат Аллоҳ таоло Ҳажарул-Асвадни ўз ўрнига, мусулмонларни эса ўз динлариға қайтарди. Сизга маълум бўлганидек, Ислом Қарматийлар груҳи устидан ғалаба қозонди.

Энди яна бир мусибатни эсга олинг: Ваҳший мўғул-татарлар Бағдод шаҳрига ҳужум қилиб, қирқ кун давомида мусулмонларни қиличдан ўтказдилар. Бағдод кўчалари қон дарёсиға айланди. Шунчалар мусибатдан сўнг Аллоҳ таоло мусулмонларни Ислом динига қайтариб, мухлис, садоқатли мусулмонлар қўлида салбчилар ва мўғул-татарларнинг кулини кўкка совурди! Ахир У: "(Куфрга қарши курашда) **сустлашмангиз** ва (Ухуд жангидаги мағлубият сабабли) **ғамгин бўлмангиз!** Агар (ҳақиқий) **иймон эгалари бўлсангизлар, сизлар устун бўлгувчи дирсизлар**" (Оли Имрон: 139)-деб айтмаганмиди?!

Эй Ислом уммати, биз иймонни рўёбга чиқармоқчимиз! Сиз ҳозиргина айтилган оят ҳақида бир тафаккур қилиб кўринг: "Иймон билан сустлашманг ва иймон билан устивор бўлиб, қайғуга ботманг!". Демак, Аллоҳ таолога бўлган садоқатли ва ихлосли иймонни рўёбга чиқариш зарур!

Сиз мен билан бирга Аллоҳ таолонинг: "**Улар Аллоҳнинг нурини** (яъни Исломни) **оғизлари** (яъни беҳуда гаплари) **билан ўчирмоқчи бўладилар.** Аллоҳ эса, гарчи коғирлар истамасалар-да, **Ўз нурини** (яъни динини) **тўла** (яъни ҳар тарафга) ёйгувчи дир. У (Аллоҳ) **Ўз пайғамбарини ҳидоят** ва ҳақ дин билан — гарчи мушриклар истамасалар-да — барча динларга ғолиб қилиш учун юборган зотдир" (Саф сураси: 8, 9) ва "**Улар Аллоҳнинг нурини** (яъни, Исломни) **оғизлари** (яъни, беҳуда гаплари) **билан ўчирмоқчи бўладилар.** Аллоҳ эса, гарчи (коғирлар) хохламаслар-да, фақат **Ўз нурини**

тўла (яъни, ҳар тарафга) ёйишни истайди. У (Аллоҳ) Ўз пайғамбарини ҳидоят ва ҳақ дин билан — гарчи мушриклар хохламасалар-да — барча динларга ғолиб қилиш учун юборган зотдир" (Тавба: 32, 33) оятлари ҳақида фикр юритиб кўринг!

Жиноятчи ва фожир кофиirlар Аллоҳнинг динини сўндиromoқчи бўляяптилар! Йўқ, Аллоҳ ўз нурини камолига етказиши истайди. Мен бу кураш икки тенг кучлар ўртасидаги кураш эмаслигига қатъий ишонаман. Чунки бу кураш – Қудратли ва Ғолиб Аллоҳ билан фожир кофиirlар ўртасидаги курашдир! Ҳа, бу тенгсиз курашдир! Ким ғолиб бўлади деб ўйлайсиз?!

Аллоҳ таолонинг: "Албатта, кофир бўлган кимсалар мол-дунёларини Аллоҳнинг йўлидан тўсиш учун ишлатадилар. Бас, уни сарфлайдилар-у, сўнgra ўша (моллари) ўзларига ҳасрат бўлади, сўнgra мағлуб бўладилар. Кофир бўлган кимсалар Аллоҳ нопокни покдан (кофиiri мўминдан) ажратиши ва нопок кимсаларнинг ҳаммаларини устма-уст тахлаб, жаҳаннамга солиши учун жамланадилар. Ана ўшалар зиён кўргувчилардир" (Анфол: 36) оятига қулоқ солинглар!

Ҳа, кофиirlар миллиардлаб пулларни сарф қиладилар, бироқ, охир-оқибат бу сарфлаганлари ўз бошларига ҳасрат бўлади, бу курашда улар мағлуб бўлишади! Мана, кўринг, Ислом гуркираб, ҳайбату салобат билан турибди! Қарматийлар қаерга кетди?! Мўғул-татар ва салбчиларчи?! Жиноятчилар қани?! Фиръавн ва Ҳомон қаерда?! Ҳандаққа чўғ қалаб, мўминларни тириклай куйдирганлар қани?! Од халқи қаерга кетди?! Исломга қарши курашганлар қаерга кетди?! Уларнинг барчаси ҳалок бўлиб кетди, ИСЛОМ эса қад ростлаганича турибди ва у Аллоҳ тақдир қилган кунга қадар қолажак! "Албатта, кофир бўлган кимсалар мол-дунёларини Аллоҳнинг йўлидан

Шайх Мұхаммад Ҳассон: ИСЛОМ КЕЛМОҚДА!

түсиш учун ишлатадилар. Бас, уни сарфлайдилар-у, сұнгра ўша (моллари) ўзларига ҳасрат бўлади, сұнгра мағлуб бўладилар. Кофир бўлган кимсалар Аллоҳ нопокни покдан (кофирни мўминдан) ажратиши ва нопок кимсаларнинг ҳаммаларини устма-уст тахлаб, жаҳаннамга солиши учун жамланадилар. Ана ўшалар зиён кўргувчилардир" (Анфол: 36).

Аллоҳга қасам ичиб айтаманки, мен сизларга ҳозир бўлиб ўтган бир воқеани сўзлаб бераман:

Мен ўтган Рамазон ойининг охирги даҳасида Америка Қўшма Штатларида бўлдим. Зиёратим асносида миссионерлик васиқасига қўзим тушди. Унда Ватикан папаси иккинчи Иоан Павелнинг Ер юзидағи барча миссионерларга қарата: "Европада Исломнинг жадаллик билан тарқалиши олдини олиш учун жиддий чоралар кўриб, тезкор ҳаракат қилингиз!"- деган сўзлари битилганди. Ҳолбўки, Ислом учун ҳеч ким ҳаракат қилмаяпти. Агар Ер юзидағи бошқа бирон бир дин учун қилинган даражадаги ҳаракатлар Ислом учун қилинса, Аллоҳ номига онт ичиб айтаманки, Ер юзида Исломдан бошқа дин қолмас эди!

Рамазоннинг йигирма учинчи кунида Америка Мусулмон Миршаблар юшмаси раиси билан учрашдим. У, асли келиб чиқиши америкалик зобит. У билан узоқ сұхбатлашдим. Сұхбат давомида Ислом динига қандай кирганини сўрадим. У мусулмон бўлишдан аввал мутаассиб епископ (роҳиб) бўлганини айтганида ҳайратим ошди. Сўнг у шундай деди:

"Мен Қуръоннинг таржимасини ва "Саҳиҳул-Бухорий"нинг талайгина ҳадисларини ўқиган эдим. Кунларнинг бирида ҳамкасбим – америкалик мусулмонни излаб, уйига бордим. У уйида йўқ экан. Менга унинг масжидда эканини айтдилар. Уни чақириш учун масжидга кирдим. Масjid

дарвозасига етиб келдим ҳамки, аzon овози эшигилди. Аzon калималари менинг ич-ичларимгача кириб борди ва қалбимни ларзага солди. У пайтдаги ҳолатимни тил билан ифодалай олмайман. Ўзимда қандайдир ички ўзгариш бўлаётганини сездим. Буни сизга ифодалаш учун сўз топа олмайман! Чўнки мен аzon эшигишдан аввал бундай лаззатни ҳеч totиб кўрмаган эдим. Кейин масжиддаги мусулмонларга назар солдим. Улар намоз ўқишар: бирга туриб, бирга сажда қилишар эди. Мен ҳамкасбимни чақирган эдим, у жавоб бермади. Намоз тугаганидан сўнг: "Мен сенинг бошлиғингман, нега чақирганимда жавоб бермадинг?!"- деб сўрадим. У: "Мен Роббим жалла жалолуҳу ҳузурида эканман, Унгагина ижобат қиласман!"- деб жавоб берди. Мен бу динга бўлган муҳаббатни дилдан ҳис қилдим ва: "Исломга кирмоқчи бўлсангизлар нима қиласизлар?"- деб сўрадим. У мени ғусл қилишга буюрди, ғуслдан сўнг масжид саҳнига чиқдим-да: "Ла илаха иллаллоҳу Мұхаммадур расулуллоҳ" дея шаҳодат калималарини айтдим. Исмим Майл эди, уни Абдуссабурга айлантирдим".

Мен суҳбатдошимдан: "Исломнинг Америкадаги келажаги ҳақидаги фикрингиз қандай?"- деб сўрадим. У: "Ислом – Америкада жуда ҳам кучли" - деди. Сўзларимга қаттиқ эътибор беринг, мен мусулмонлар демаяпман, балки Ислом деяпман.

Сўнгра у менга: "Хушхабар тариқасида айта оламанки, кўплаб америкаликлар Ийсо алайҳиссаломнинг рисолати Мұхаммад соллаллоҳу алайҳи ва саллам рисолатининг айни ўзи эканини тушуна бошлаганлар"- деди.

Мен ундан: "Менга уюшмангиз аъзоларининг ҳаётида содир бўлган бирон бир таъсирли ҳодисани айтиб бера оласизми?"- деб сўрадим. У шундай деди:

Шайх Мұхаммад Ҳассон: ИСЛОМ КЕЛМОҚДА!

"Биродар, мен сизга таъкид билан айта оладиган ягона ҳодиса шуки, Ислом америкалик миршаблар ўртасида катта тезлик билан ёйилмоқда".

Баъзи шайх-устозлар билан бирга қора танли америкалик биродарларимизнинг Тақво номли масжидига зиёрат учун бордик. Каъба Роббисининг номига онт ичиб айтаманки, үларнинг даврасида ўзимизни арзимас одамлардек ҳис қилдик. Уларнинг ҳар бири намозида шундай хушуъ билан турадики, уни кўриб Умматнинг салафини хотирлайсиз. Мен у ерда бир зобит билан учрашдим. У менга: "Мен мувахҳид бўлган икки минг элликка яқин зобитлардан бириман. Бу – оз сон эмас"- деб қизиқарли бир воқеани сўзлаб берди: "Америкалик зобита аёл Ислом динини қабул қилди. Эртаси кун иш жойига ҳижоб кийиб келди. Бошлиғи: "Бу нимаси?!"- деганида: "Мен мусулмон бўлдим!"- деди. Бошлиқ: "Мусулмон бўлсанг бўлавер, бироқ мана бу кийимингни ечиб қўй!"- деди.

(Зобита аёл бошлиғига шундай ажойиб гап айтибдики, уни Ислом динига мансуб бўлган ва Ислом ўлкаларида яшаётган барча очиқ-сочиқ мусулмон аёллар эшитишини жуда-жуда истар эдим).

Зобита аёл бошлиғига: "Йўқ! Ер юзида мендан бу ҳижобни ечиб оладиган Аллоҳдан бошқа ҳеч бир куч йўқдир!"- дея жавоб берди".

Аллоҳу Акбар!! Нақадар қатъий ишонч! Каъба Роббисига онт ичиб айтаманки, бу сўзлар – ҳайратомуз сўзлардир!

Мен сұхбатдошимга: "Дўстим, мен сиздан учта насиҳат қилишингизни сўрайман: бири америкаликларга, иккинчиси америкалик мусулмонларга, учинчиси эса Мисрдаги мусулмонларга"- дедим. У: "Менинг биринчи насиҳатим америкаликларга: "Биз Ийсо (алайҳиссалом)га Мұхаммад

(соллаллоҳу алайҳи ва саллам)га иймон келтирганимиздек иймон келтирамиз!"- деди.

Субҳоналлоҳ!! Бу – динни теран тушуниш намунасиdir. Дарҳақиқат, суҳбатдошим илгари роҳиб бўлган-ку!

У сўзида давом этди: "Америкаликлар шуни ҳам яхши билсинларки, биз Ийсо ва Марям алайҳимассаломларни улуғ зотлар деб биламиз!".

Мен: "Энди америкалик мусулмонларга насиҳат қилинг!"- дедим.

У айтди: "Мен уларни сабр-бардошли бўлишга ва шошқалоқлик қилмасликка чақираман. Чунки сабрсизлик билан ҳеч нарсага эришиб бўлмайди. Бирортангиз тарафидан содир бўлган хато ва камчиликлар сизларни қўрқитмасин ва қайғуга солмасин. Ахир хато қилмасак, Аллоҳга эҳтиёжимиз қолмас эди-ку! Биз Аллоҳ таолога тавба қилиш учун хато ва камчиликларга йўл қўямиз".

Ҳақиқатан, бу одамнинг фикрлари ғоят теран, қарашлари чуқур экани кўриниб туради.

Мен унга: "Энди Мисрдаги мусулмонларга насиҳат қилинг, мен уни сизнинг тилингиздан миллионлаб мусулмонларга етказай?!"- дедим. У шундай деди: "Сиз уларга айтинг: Сизлар билан биз ўн минглаб миллар узоқда яшасак ҳам, Аллоҳнинг раҳмати барча нарсани ўз ичига сиғдирувчиidir ва биз сизларни Аллоҳ учун яхши кўрамиз!".

Эй ёшлар, биласизларми, куфр қалъасининг юраги бўлган бу мамлакатда икки мингга яқин масjid бор! Нью Йорк шаҳрида эса бир юз етмиш беш масjid ва исломий марказ фаолият кўрсатмоқда. Ахир Роббимиз: "Аллоҳ у

Шайх Мұхаммад Ҳассон: ИСЛОМ КЕЛМОҚДА!

(Ислом)ни барча динлар устига, коғирлар ёқтирмаса-да, ғолиб қилади"-деб бежиз айтмаган!

Охирги ҳисоботлар мусулмонлар сони Францияда беш миллион, Буюк Британияда эса икки миллиондан ошгани, ҳар йили икки мингдан ортиқ асли британиялик бўлганларнинг Ислом динини қабул қилаётганини кўрсатди. Бу рақамлар яхшиликлардан дарак бермоқда. Чунки, Ислом – фитрат динидир. Йўлларига қанчалар тўсиқ қўйилмасин, барибир бир кун Ислом дини келади. Аллоҳ таоло айтди: "**У (Аллоҳ) Ўз пайғамбарини ҳидоят ва ҳақ дин билан – гарчи мушриклар хоҳламасалар-да – барча динларга ғолиб қилиш учун юборган зотдир**" (Тавба: 33);

"У (Аллоҳ) Ўз пайғамбари (Мұхаммад соллаллоҳу алайҳи ва салом)**ни ҳидоят ва Ҳақ дин** (Ислом) **билан, у (дин)ни барча (дин)ларга ғолиб-устун қилиш учун юборган зотдир.** Аллоҳнинг Ўзи (ушбу ваъдасининг рӯёбга чиқишига) **етарли гувоҳдир**" (Фатҳ: 28).

Жуда кўп динсизлар агар Ислом дини ҳақида эшитсалар ва уни ҳақиқий кўринишида танисалар эди, уни қабул қилишга шошилган бўлишарди. Чунки улар кундалик ҳаётларида даҳшатли беқарорлик ҳолатларини яшамоқдалар. Шарқ ва Ғарб давлатларига сафар қилган киши тиббий руҳий текширишга мурожаат этганларнинг сонига эътибор берса, ularning сони жуда кўп эканини билади. Чунки улар баданларига ҳоҳлаган барча нарсасини бердилар, бироқ баданлари ичидаги руҳлари ҳайқирмоқда: ғизо ва даво изламоқда. Унинг давоси ва ғизосини Аллоҳдан бошқа ҳеч ким билмайди. Аллоҳ таоло айтади: "(Эй Мұхаммад), сиздан руҳ-жон ҳақида сўрайдилар. Айтинг: «Руҳ ёлғиз Роббим биладиган ишлардандир». Сизларга жуда оз илм берилгандир" (Исрөъ: 85).

Туркиядаги секуляристлар (яъни, илмонийлар, дунёвий тузум тарафдорлари) Туркиядан ислом либосини бутунлай ечиб ташлашга бор кучлари билан ҳаракат қилмоқдалар. Аллоҳ таоло айтади: "**Улар Аллоҳнинг нурини** (яъни, Исломни) **офизлари** (яъни, беҳуда гаплари) **билин ўчирмоқчи бўладилар. Аллоҳ эса, гарчи** (кофиirlар) **хоҳламаслар-да, фақат Ўз нурини тўла** (яъни, ҳар тарафга) **ёйишни истайди**" (Тавба: 32).

Охиригি сафаримда туркиялик дўстим шундай деди: "Туркиядаги масжидлар сони олтмиш беш мингтадан ортиқ. Аллоҳ номига онт ичиб айтаманки, ўтган Рамазон ойида намозхонлар бомдод намозини масжидларда ўқишиди ва худди жума намозида бўлганидек, масжидлар тўлиб, кўчаларга ҳам чиқиб кетдилар." Шундай бўлгани учун Туркияга берилаётган зарбаларни кўринг. Малъун Отатуркнинг издошлари Туркияни Исломдан узок, секуляр давлат қилишга зўр бериб уринишмоқда. Бироқ, мақсадларига ета олмаяптилар. Улар бу буюк исломий уйғониш чашмасидан сипқорган ёшларни кўрганида, талvasага тушмоқдалар. Бу ҳамма ерда – Мисрда, мусулмонлар яшаётган ўлкаларда ва бутун жаҳонда ўз аксини топмоқда. Биз Аллоҳ таолонинг: "**Куфрга қарши курашда** (сустлашмангиз) **ва** (**Ухуд жангидаги мағлубият сабабли**) **ғамгин бўлмангиз!** **Агар** (ҳақиқий) **иймон эгалари бўлсангизлар, сизлар устун бўлгувчи** **дирсизлар**" (Оли Имрон: 139) ояти мазмунлари ичida кўп яхшиликларни кўрмоқдамиз.

Имом Аҳмад раҳимаҳуллоҳ Ҳузайфа ибн Ямон розияллоҳу анҳудан ривоят қилган саҳих ҳадисда ушбу сўзлар айтилган: "Расулуллоҳ соллаллоҳу алайҳи ва саллам айтдилар: "**Пайғамбарлик сизларнинг ичингиизда Аллоҳ** **хоҳлаган** **кунга қадар қолади** (давом этади), **сўнgra** **Аллоҳ** **Ўзи** **хоҳлаган** **пайтда уни** **кўтаради.** Кейин пайғамбарлик йўлидаги халифалик даври бошланади ва **сизларнинг ичингиизда** **Аллоҳ** **хоҳлаганича қолади** (давом этади), **сўнgra**

Шайх Мұхаммад Ҳассон: ИСЛОМ КЕЛМОҚДА!

Аллоҳ Үзи хоҳлаган пайтда уни күтаради. Кейин зўравон подшоҳлик даври бошланади ва сизларнинг ичингиизда Аллоҳ хоҳлаганича қолади. Сўнгра, Аллоҳ Үзи хоҳлаган пайтда уни күтаради. Кейин ғоят зулмкор подшоҳлик даври бошланади ва у сизларнинг ичингиизда Аллоҳ хоҳлаганича қолади. Сўнгра, Аллоҳ Үзи хоҳлаган пайтда уни күтаради. Кейин (яна) пайғамбарлик дастури асосида халифалик бўлади".

Аллоҳ таолодан пайғамбарлик дастури асосидаги халифалик низомини тезроқ олиб келишини ва бизларни ҳам унинг соясидан баҳраманд қилишини, агар бизга насиб этмаса, фарзандларимиз ва набираларимизни маҳрум этмаслигини сўраймиз. У – бунинг ҳожаси ва бунга Қодирдир!

Имом Муслим раҳимаҳуллоҳ Савбон розияллоҳу анҳудан ушбу ҳадисни ривоят қиласи: Расулуллоҳ соллаллоҳу алайҳи ва саллам айтдилар: "Аллоҳ таоло менга ерни йиғиб берди ва мен унинг машриқу-мағрибини кўрдим. Умматимнинг мулки менга йиғилган жойга қадар етиб боради...".

Эй тавҳид уммати, нега ноумид бўласиз?! Ноумидлик фаол инсоннинг ёрдамчиларини озайтириб, ноумидларга умидсизликни зиёда қиласи.

Расулуллоҳ соллаллоҳу алайҳи ва саллам ўзлари ҳам, саҳобалари ҳам қувғинликка учраб турган бир даврда Хаббоб ибн Аратга: "Аллоҳ бу ишни тамомига етказади, ҳатто отлиқ Санъодан Ҳазрамавтга қадар фақат Аллоҳдан ва қўйларини бўри олиб қочишидан қўрқиб етиб боради", деган эдилар. (Бухорий ривояти.)

Ахир Аллоҳ: "(Куфрга қарши курашда) сустлашмангиз ва (Ухуд жангидаги мағлубият сабабли) ғамгин бўлмангиз! Агар (ҳақиқий) иймон эгалари бўлсангизлар, сизлар устун бўлгувчи дирсизлар" демаганми?! (Оли Имрон: 139).

Эй муваҳҳидлар, шуни яхши билингки, ҳар бир мусибат Исломнинг салобатини, мусулмонларнинг эса қувватини ортиради, қалблари нифоққа тўлган кимсаларни сафлардан чиқаради. Имом Муслим раҳимаҳуллоҳ Суҳайб розияллоҳу анҳу ривоят қилган ушбу ҳадисни нақл қилганлар: "**Мўъминнинг ишлари ажойиб. Унинг барча иши яхшилиkdir. Бу – фақатгина мўъмин учундир: мамнуният кунлари етса шукр қиласди, бу учун яхшидир. Унга зарар келса сабр қиласди, бу ҳам у учун яхшидир**".

Имом Аҳмад ва имом Абу Довуд ривоят қилган, шунингдек Ҳоким ривоят қилиб, имом Муслим ва имом Бухорий шартларига биноан сахих деган ва Албоний имом Муслим шартига биноан сахих деган, Тамим ад-Дорий ривоят қилган ҳадисда ушбу иборалар бор: "**Қасамки, бу иш (Ислом дини) кеча ва кундуз етиб борган жойгача етиб боради. Аллоҳ таоло ҳар бир қишлоқ ва шаҳардаги хонадонларга бу динни Ўзи Ислом билан азиз қилган одамнинг иззати ёки куфр билан хор қилган одамнинг хорлиги билан киритади!**".

Машҳур мутафаккир Эшбангенз айтган ушбу сўзлар нақадар гўзал: "Маданиятларнинг фалаксимон айланишлари бор. У бир ерда ботса, бошқа бир ерда балқиб чиқади. Ҳозирги даврда бир маданият энг гўзал шаклида балқиб чиқиш арафасида турибдики, у кучли оламшумул руҳоний қувват эгаси бўлмиш Ислом маданиятидир".

Эй муваҳҳидлар, Аллоҳга қасамки, энди бу Уммат ана шу ДИН даражасига кўтарилиши ва бутун оламлар Роббиси инъом қилган ушбу неъматнинг қадрини билиши қолди, холос.

Юқорида эслатиб ўтганимдек, бу Уммат бошига келган мусибатлар ўзгармас раббоний қонунларга биноан келди. Бу Уммат ўзининг етакчилиги ва иззатига на заковатли инсонларнинг шошилиши ва на сара инсонларнинг

Шайх Мұхаммад Ҳассон: ИСЛОМ КЕЛМОҚДА!

уринишлари фойда бермайдиган ўша қонунларга биноангина қайта
эришиши мүмкін. Бу Уммат ўз динини зое қилар ва унга ёрдам бермас экан,
Аллоҳ таоло унга-да ёрдам бермайди. Аллоҳ ёрдам бериши учун Уммат
Аллоҳнинг динига ёрдам бериши керак. Ахир Аллоҳ таоло қўйидаги оятларни
юбормадими?!

- "Албатта Аллоҳ Ўзига ёрдам берган кимсаларгагина ёрдам беради.
Дарҳақиқат, Аллоҳ Кучли ва Азиз зотдир" (Ҳаж: 40);**
- "Албатта биз элчиларимиз ва мўъминларга дунё ҳаётида ҳам, гувоҳлар
турган пайт (Қиёмат куни)да ҳам ёрдам берамиз!" (Фоғир: 51);**
- "Мўъминларга ёрдам бериш – зиммамиздаги ҳақдир" (Рум: 47);**
- "Аллоҳ сизлардан иймон келтирган ва яхши амаллар қилган зотларга
худди илгари ўтган (иймон-эътиқодли) зотларни (ер юзига) халифа-ҳукмрон
қилганидек, уларни ҳам ер юзида халифа қилишни ва улар учун Ўзи рози
бўлган (Ислом) динини ғолиб-мустаҳкам қилишни ҳамда уларнинг
(аҳволини Маккада кўрган) хавфу-хатарларидан сўнг (Мадинада) тинчлик-
хотиржамликка айлантириб қўйишни ваъда қилди. Улар Менга ибодат
қилурлар ва Менга бирон нарсани шерик қилмаслар. Ким мана шу
(ваъда)дан кейин куфрони (неъмат) қилса, бас улар итоатсиз кимсалардир"**
(Нур: 55).

Демак, ҳар биримиз ушбу ижроси мажбурий амалий дастурнинг бандлари
олдида бир-бир тўхтаб ўтишимиз лозимки, бу бугунги сұхбатимизнинг
учинчи қисмидир:

Учинчи: Ижроси мажбурий амалий дастур

Уммат Ўз иззати, ҳукмронлиги ва Аллоҳнинг мададига эришиши йўлида босиши керак бўлган биринчи одим – Унинг Аллоҳнинг Китобига ва Расулуллоҳ соллаллоҳу алайҳи ва салламнинг суннатларига мақтовга сазовор суратда қайтишидир. Қуръон ва Суннатга қайтиш Уммат зиммасидаги ихтиёр ёки нафл эмас, балки вожибdir. Балки, бу – Ислом ҳадлари ва иймон шартларидан-да олдин турмоғи лозим. Аллоҳ таоло Қуръон Каримда шундай деди: **"Йўқ, Роббингизга қасамки, то улар ўз ўрталарида чиққан келишмовчиликларда сизни ҳакам қилмагунларича ва кейин сиз чиқарган ҳукмдан дилларида ҳеч қандай танглик топмай, тўла таслим бўлмагунларича - бўйинсунмагунларича зинҳор мўмин бўла олмайдилар"** (Нисо: 65).

Биринчи амалий одим

– мен ўзимдан бошлишим, сиз эса ўзингиздан. Эшитган ҳар бир нарсамизning амалга ошишини бошқалар зиммасига юклаб қўймаслигимиз лозим. Ҳозирдан бошлишимиз керак! Аллоҳ таоло айтди: "«Эй мўминлар), агар сизларга (Ухудда душман томонидан) бир мусибат етса — ҳолбуки, сизлар (Бадр жангида) унга икки баробар мусибат етказган эдингиз — «Бу бало қайдан келди?» — дейсизми?! (Эй Мухаммад), уларга: «Бу мусибат — мағлубият ўз қилмишларингиздан», деб айтинг! Албатта Аллоҳ ҳамма нарсага қодирдир" (Оли Имрон: 165).

Ҳар биримиз ўзимииздан бошласак ва бу гапларни уйимизда, иш жойимизда ва ҳаётимизнинг ҳар бир жабҳасида амалий воқе ва ҳаёт дастурига айлантиrsак, Аллоҳ бизнинг аҳволимизни албатта ўзгартиради. Ҳар бир мусулмон Аллоҳга, Аллоҳнинг Қуръонига ва Расулуллоҳ соллаллоҳу алайҳи ва салламнинг суннатларига қайтсин! Ер юзидағи мусулмонлар

Шайх Мұхаммад Ҳассон: ИСЛОМ КЕЛМОҚДА!

унутмасинларки, яҳудий ва мунофиқларнинг шиори: "Эшитдик ва осий бўламиз", муслмонларнинг шиори эса: "Эшитдик ва итоат қиласиз!" дир. Аллоҳ таоло айтди: "Аллоҳ ва Унинг пайғамбарига ўрталарида ҳукм чиқариш учун чорланган вақтларида, мўминларнинг сўзи «эшитдик ва бўйинсундик», (демоқдир)" (Нур: 51).

Бу – Аллоҳнинг сўзидир. Аллоҳдан кўра рост сўзлагувчироқ ким бор?!

Аллоҳ таоло мунофиқларнинг шиорларини қўйидагича баён қилди: "(Эй Мұхаммад), ўзларини сизга нозил қилинган нарсага (Қуръонга) ва сиздан илгари нозил қилинган нарсаларга иймон келтирган деб ҳисоблайдиган (айрим) кимсаларнинг шайтонга ҳукм сўраб боришни истаётганларини кўрмадингизми? Ҳолбуки, уларга үнга ишонмаслик буюрилган эди. (Чунки) шайтон уларни бутунлай йўлдан оздиришни истайди. Қачон уларга «Аллоҳ нозил қилган Китобга ва пайғамбар ўгитларига келинглар», дейилса, у мунофиқларнинг сиздан қаттиқ юз ўгирганларини кўрасиз" (Нисо: 60, 61).

Иккинчи одим: Мўминларни кофирлардан фарқлай билиш

Ҳозирдан ўзингиз учун бир йўлни танлаб олинг ва ўзингизга: "Сен Аллоҳ ва Расулиниңг ҳукмларини ижро қилишга тайёрмисан? Сенинг шиоринг "Эшитдик ва итоат қилдик"ми ёки "Эшитдик ва осий бўлдик"ми?!" - деб айтинг. Унумангки, "Аллоҳ сизларнинг танангиз ёки ташқи кўринишингизга эмас, қалбларингиз ва (қилган) амалларингизга қарайди". (Имом Муслим Абу Ҳурайра розияллоҳу анҳудан ривоят қилган.)

Учинчи одим: Исломий шахсиятни вужудга келтириш

Ҳар биримиз дастурнинг бу бандини татбиқ этиб, мўминларнинг ҳаёт тарзи кофирларнидан тубдан фарқ қилишини кўрсатишимиз керак. Мусулмонлар бугунги кунда дўстлик ва душманлик борасида бошидан

кечираётган "омихталиқ" билан Ер юзида Аллоҳнинг динини барпо қила олмаймиз. Биз Аллоҳни, Расулуллоҳ солаллоҳу алайҳи ва салламни ва мўминларни сўйиб, ҳар қандай кўринишдаги ширқдан, миллати ва тилидан қатъий назар барча мушриклардан бутунлай безор бўлишимиз ҳамда дўстлик ва душманлик ҳақидаги эътиқодимизни тузатиб, фарзандларимизни шу эътиқод асосида тарбия қилишимиз лозим.

Ҳар вақт ва ҳамма жойда Аллоҳ, Расули ва мўминларни дўст тутиш эътиқоди кўриняптими?!

Қачон ва қаерда бўлмасин, ширкнинг барча турига ва мушрикларга нисбатан душманлик эътиқоди кўриняптими?! Мўминларнинг йўли осий-мужримлар йўлидан фарқланиб туриши учун исломий ўлчов ўрнатилмоғи шарт! Дўстлик ва душманлик эътиқодининг ажойиб намунаси ибн Жарир Табарий раҳимаҳуллоҳ ва бошқалар саҳиҳ санад билан ривоят қилган ушбу ҳадисда ўз аксини топган: "Расулуллоҳ соллаллоҳу алайҳи ва саллам: "**Менга (мунофик) Абдуллоҳ ибн Убай ибн Салулнинг ўғли Абдуллоҳни чақиринглар**"- дедилар. У қелганида Расулуллоҳ соллаллоҳу алайҳи ва саллам: "**Эй Абдуллоҳ, отангиз айтиётган сўзга нима дейсиз?**"- деб сўрадилар. Абдуллоҳ розияллоҳу анҳу: "Ота-онам сизга фидо бўлсин, ё Расулуллоҳ, отам нима дебди?"- деди. Расулуллоҳ соллаллоҳу алайҳи ва саллам: **«Қасамки, агар Мадинаға қайтсак, албатта азизлар хорларни ундан қувиб чиқаради»**- дебди"- дедилар. Абдуллоҳ розияллоҳу анҳу деди: "Аллоҳ номига қасамки, ё Расулуллоҳ, у тўғри айтибди. Сиз – азиз, у эса хордир. Аллоҳ номига онт ичиб айтаманки, ё Расулуллоҳ, Сиз Мадинаға келганингизда Яслиб (Мадинанинг эски номи) аҳолиси мендан кўра ўз отасига яхшилиқ қилувчироқ бошқа бирорни билмас эди. Бироқ, у шу

Шайх Мұхаммад Ҳассон: ИСЛОМ КЕЛМОҚДА!

сүзларни айтибдими, энди Сиз үзингизни хурсанд қиладиган сүзни албатта әшитасиз!".

Мадинага қайтганларида, Абдуллоҳ шаҳар дарвозаси олдида қилич яланғочлаб, отасини киришга қўймади ва: ""Мадинага қайтсақ, у ердан азиз одам хор одамни қувиб чиқаради?"- деб айтган сенмидинг? Сен Расулуллоҳ соллаллоҳу алайҳи ва саллам рухсат бермагунларича Мадинага кира олмайсан!"- деди. (Муноғиқ) Абдуллоҳ ибн Убай ибн Салул: "Эй хазражликлар, ўғлим үйимга киришимга тўсқинлик қилаяпти?!"- деб бақира бошлади. Баъзилар келиб, Абдуллоҳ розияллоҳу анҳу билан гаплашиб кўрдилар. Бироқ у: "У ўз үйига Аллоҳ ва Расулидан рухсат бўлмагунича кира олмайди"- деб рад жавоби берди. Улар Расулуллоҳ соллаллоҳу алайҳи ва салламнинг олдига бориб, бўлган воқеани айтиб бердилар. Расулуллоҳ соллаллоҳу алайҳи ва саллам: "**Унга бориб: "Аллоҳнинг Расули унинг ўтишига ва үйига киришига рухсат берди"**"- деб айтинглар"- дедилар. Улар келиб Расулуллоҳ соллаллоҳу алайҳи ва салламнинг сўзларини айтганларида: "Майли, Расулуллоҳнинг амри келибди, ўтсин, бироқ ким азиз ва ким хор эканини билиб қўйисин!"- деди."

Ҳа, бу – Аллоҳ ва Расули учун суйиш эди. Ахир қўйидаги оятларни айтган Аллоҳ эмасми?! **"Аллоҳга ва охират кунига иймон келтирадиган қавмнинг Аллоҳ ва Унинг пайғамбари чизган чизиқдан чиққан кимсалар билан — гарчи улар ўзларининг оталари, ёки ўғиллари, ёки оға-инилари, ёки қариндош-уруғлари бўлсалар-да — дўстлашаётганларини топмассиз. Ана ўшаларнинг дилларига (Аллоҳ) иймонни битиб қўйгандир ва уларни Ўз томонидан бўлган Рӯҳ—Қуръон билан қувватлантиргандир. У зот уларни остидан дарёлар оқиб турадиган, улар мангут қоладиган жаннатларга киритар. Аллоҳ улардан рози бўлди ва улар ҳам (Аллоҳдан — У зот берган**

ажр-мукофотлардан) рози бўлдилар. Ана ўшалар Аллоҳнинг хизбидирлар.

Огоҳ бўлингизким, албатта Аллоҳнинг хизби (бўлган зотларгина) нажот топгувчиидирлар!" (Мужодала: 22).

Тўртинчи: Кураш учун тайёргарлик

Биз ватанпарварлик, миллатчилик йўлида эмас, Аллоҳнинг сўзи олий бўлиши йўлида курашишга тайёр туришимиз керак. Чунки Расууллоҳ соллаллоҳу алайҳи ва саллам: "**Аллоҳнинг сўзи олий бўлиши учун жангга кирган кишигина Аллоҳ йўлида** (жангга кирган киши)**дир**"- дедилар. (Муттафақун алайҳ.)

Уммат Аллоҳнинг Қуръони ва Расули соллаллоҳу алайҳи ва салламнинг суннатига қайтганидагина кураш майдонида саф торта олади.

Бешинчи: Исломнинг ахлоқий ва сулукий жиҳатларини ҳаётга татбиқ этиб, ҳаёт дастурига айлантириш

Биз дастуримиз билан воқелигимиз, ўқиб-ўрганган ахлоқимиз билан яшаётган ахлоқимиз ўртасида тафовутни кўрмоқдамиз. Биз бу буюк динни ўйимиз, кўчамиз ва ҳаётимизнинг барча тармоғида амалий воқега айлантиришимиз лозим.

Билинг, уммат то қиёмат ахлоқ ила тирикдир

Ахлоқини йўқотган уммат бешак, ўликдир.

Унутмайликки, амалимиз агар сўзимизга хилоф бўлса, машъум нифоқ қалбларга уруғини қадайди!

Ёки Аллоҳ таоло айтган шу сўзларни хотирланг: "Эй мўминлар, сизлар нега ўзларингиз қилмайдиган нарсани (қиласиз деб) айтаяпсизлар?!"

Шайх Мұхаммад Ҳассон: ИСЛОМ КЕЛМОҚДА!

Сизларнинг ўзларингиз қилмайдиган ишни (қиласыз, деб) айтишларингиз

Аллоҳ наздида ўта манфур (ишдир) (Сағ: 2, 3).

Азиз дўстлар, биз Ислом динидан хавотирда эмасмиз. Чунки, бир нарсани хоҳласа "Бўл!" деган амри билан бўлдирадиган Аллоҳ таолонинг Ўзи бу динни бошқа динлар устидан ғолиб қилишни ваъда қилди. Биз фақатгина мусулмонлар Исломни тарқ этиб, зое қилсалар, уларнинг оқибатидан хавотирдамиз!

Аллоҳ таолодан мусулмонларни Ислом динига қайтаришини сўраймиз. У бунинг эгаси ва бунга қодирдир.

Аллоҳим, эй барча оламлар Роббиси, муваҳҳидларни тоат-ибодат қилганлар азиз, гуноҳкорлар хор бўладиган йўлларга йўллагайсан!

Сўнгти дуомиз: "Барча Оламлар Роббиси бўлган Аллоҳга ҳамду санолар бўлсин!".

Манба: Ислом Нури